

MULALELO

1 Liñusa le litabisa la lufile Muzwale Pearry ona fani kuzwa mwa Linzwi la Mulimu. Ki niti ye cwani kuli “Lu paleliswanga Mulimu ni kutomela Mulimu nako; mi Yena ki wa Kuyakuile, halukoni kueza cwalo.” Kacwalo busihu bo lu talima nto yeñwi hape, ki mulalelo.

2 Myaha ye milalu Ni libelezi kuli keleke itahe mwa Tucson, kono iinzi kwanu. Eeni, luteñi—luteñi fa. Kacwalo lu itumela ku Mulena, Yena u lu tuhelanga fela kuli lu libelele kufitela lukona ku itumela ka yona cwale.

3 Cwale, kuna ni nto iliñwi yeo Ni bata kubulela lu si ka kalisa mulalelo, kona taba ye, kuli Ni lumela kuli lu boni zeñata hahulu mwa lizazi la luna leo lupila ku lona, kuli lu lukela ku fa luli (kaufela) butu bwa luna kamukana ku Mulimu. Lu—lu swanelo ku sebeleza Mulimu luli. Ni lumela kuli U lu fuyozi ni kalabo ye otolohile hande kwa Mañolo. Sina Muzwale Pearry ha na ifile mwa linako nyana zefelile, kuli lu—luna lu—lu inzi ka nako yani. Ha lu libofu, lu—lu—lu bona kuli luteni fa, lu—lu fitile.

4 Mi lu kona hape lwa kona kutalima kafa ni kafa ni kubona kuli munahano wa mutu usweli kusiya sicaba. Kuli, halu—halu koni kuina nako yetelele hahulu, ne lu kaba mwa sibaka sa lipulumuki za niti, lifasi kaufela ne li kaba cwalo. Mwabona? Kacwalo lu—lu kwa mafelelezo a nako.

5 Cwale, sina Muzwale Pearry hana siyezi fani, ka kubona kuli lika ze ki za niti, kubona kuli ki za niti, ha ki matangu. Ha ki lika fela ze lu ikupulela fela. Ki lika ze filwe ku luna ka swanelo ka Linzwi la Mulimu ni ku bonahala patalaza kwa sicaba fapila luna, kuli luziba kuli luteni fa. Halu—halu zibi butelele bwa nako cwale, kakuli hape lu kutela kwa waci, mwa bona, seo nako ili sona. Kono lwa... lwa ziba lu—lu teni ona mo, lu kwa mafelelezo a nako. Kamba ki nako ya Mulimu, Na lemuhela...

6 Yomuñwi akile afa taluso yeñwi nyana nako yeñwi yene bulezi kuli kambe Mulimu na mu beile hande ka swanelo... kambe Na ka toma nako, myaha ye wani—wani sauzande kuba fela lizazi lililiñwi. Kacwalo haiba mutu na ka pila myaha ye mashumi a supile a kupepwa, ne ikaba fela mizuzu yenyinyani mwa nako ya Mulimu. Mwabona? Kihande, ni kubulela kuli ikaba myaha ye mashumi amane, sani mane ne si sike ku talusa nako, ni hanyinyani, Na ka kobra meeto a Hae. Mwabona? Mwabona, cwalo kona bubebe mo kuinezi, taba yateni kaufela, kambe ne ikaba nako ye tomilwe; kanti, mane Yena ha na nihaiba nako yekana. Kacwalo Yena ki wa Kuyakuile fela.

7 Na lumela neli Sarah kwa mulaho kwani... kamba, batili, neli Joseph, busihu bobuñwi, yana ize kuna ni Muzwale Pearry.

Na ize, “Tate, kikai, ki lili Mulimu fa na tezi kuto iponahaza? Kikai kwa Na zwile?” Mwabona? “Na lukela kuba ni simuluhu, nji Na si yo cwalo? Kana Na sa swaneli kukala nji?”

⁸ Se nili, “Batili. Sika kaufela se sina ni makalelo sina ni mafelelezo, kono ki sani se si sina makalelo kona se si sina mafelelezo.” Ka niti, yena una ni myaha ye lishumi ya kupepwa, wani neli mufuta wa—wa lika zeñata hahulu ku yena. Mwabona? Mi na ka amuhela cwani sani, ka kuziba kuli sa kuli ne si si ka kalisa? Isiñi fela ku yena, si cwalo ku kuna. Cwale, mwabona, ki nto yetuna hahulu fela ku na, mo ne i kalezi.

⁹ Cwale lu libelela ku lemuha taba yeñwi fa ye kenile luli.

¹⁰ Ne ni bizizwe ka mazazi nyana a fitile, ki mucaha yomuñwi yomunde wa Mukreste yana—yana sina se ni hanyinyani, mi na utwisisa kuli lwa canga mulalelo ona cwalo luli. Bona ba canga se ba biza kuli “mulalelo wa moyo.” Mi niteni, kuya ka *mulalelo*, Ni ka bulela kuli ku lukile, kakuli *kuikambota* ki “ku bulela,” mwabona. Mi muzwale a ni fa Liñolo le, ali, “Muzwale Branham, kana ha u nahani kuli cwale . . .”

¹¹ Cwale, libaka le Ni bulelela cwana ki kuli . . . Ku lukile, Muzwale Pearry? [Muzwale Pearry Green wa alaba, “Luli.”—Mu.] Mwabona, ki kabakaleo ha Ni bulela se, ili kuli mu utwisise se musweli ku eza. Ha mu . . . haiba mu kena mwa sika ka bubofu, ha muzibi kafoo, ni se musweli kueza. Mane hamukoni kuba ni sepo haiba nji ha muzibi se mu eza. Kono mu lukela ku utwisisa se mu eza ni libaka le mu si ezeza.

¹² Na ize, “Cwale kambe ne lu kanga Linzwi la Mulimu, kana ha ki Mulimu ye lu nga nji?”

¹³ Se nili, “Ku cwalo, muñaka, ki niti. Kono lubala fa kuli bona kaniti . . . Paulusi na lutile ka sico sa Mulena sa manzibwana. ‘Muezange cwalo ka ku Ni hupula,’ Jesu abulela. ‘Kamita ha munze mu Ni hupula, mu bonisa lifu la Mulena kufitela A kuta.’” Mwabona? Cwale, lu lukela ku ica.

¹⁴ Lu utwisisa kuli Muhalalehi Paulusi, ki yena yana i tomezi kuba mwa Keleke, kakuba mupolofita wa Testamente Yenca. Pitrosi, Jakobo, Joani, kaufela bona, neba ñozi (kiñi, Mateu, Mareka, Luka) sana bulezi Jesu, sina bañoli. Kono Paulusi ki yena yana tomile taba ye ka swanelo, nali yena mu—mu mupolofita wa Testamente Yenca. Sina fela Mushe ha na ile mwa lihalaupa ku yo amuhela susumezo ya kuñola li—li Libuka ze ketalizoho za—za . . . Libuka ze ketalizoho za pili za Bibebe, kihande, Paulusi hape naile mwa lihalaupa ku yo amuhela susumezo yezwa ku Mulimu, ku to beya Keleke ya Testamente Yenca ka swanelo mi mu I tamahanye ku ya Kale.

¹⁵ Kwatasi kwani ne ba na ni ngu ya sitabelo, yeo Isilaele na ipulukezi kuba kupuzo. Ne itusisizwe kwani ka nako yeñwi, hane bazwa mwa Egepita. Kono cwale ne ba bulukile sani kuba

kupuzo mwahala masika kamukana. Kihande, “haiba mulao neli muluti wa lika ze ne sa taha,” mwa bona.

¹⁶ Cwale, Ni lumela kuli *mulalelo* (se lu biza kuli “mulalelo,” cwale) ki ku . . . ki “mulalelo wa Mulena.”

¹⁷ Cwale, luna ni fela litaelo za Bumulimu zetalu ze siyezwi ku luna: iliñwi ya zona ki—ki mulalelo; kutapa kwa mautu; kolobezo ya mezi. Zani kona litaba zetalu feela. Kwani ki kupetahala, kwa lika zetalu, mwabona. Mi zani kona litaelo zetalu ze lu nani. Lu lemuha kuli yani neli yona taba yene filwe ka Muhalalehi Paulusi mwa Testamente Yenca.

¹⁸ Cwale, kambe ne lu ka bulela cwana “mulalelo i lukela kubanga fela kunga Linzwi,” Ha ni lumeli kuli mutu ufi kaufela una ni swanelo ya kuca mulalelo wa Mulena konji pili a amuhele li—li Linzwi la Mulena mwa pilu ya hae. Mwabona? Kakuli Ni ya . . . Ni ka mi balela taba yeñwi mwa mizuzu yelikani fela mi mu ka bona. Cwale, mulemuhe. Kanti, ki kabakalañi hane luka—luka ba ni . . .

¹⁹ Fa mayemo aswana lwa kona ku tamahanya ka tukelo ni ba Salvation Army. Bona ha ba lumeli mwa mukwa kaufela wa kolobezo ya mezi, bali, “Halu li tokwi.” Cwale, haiba ha lu tokwi kolobezo ya mezi, kiñi ha lu kolobezwanga? Bali, “Mezi akoni ku mi pilisa, kono Mali kona ami pilisa.”

²⁰ Ni ka lumelelana ni sani. Yani—yani ki niti, ki Mali kona ami pilisa, isiñi mezi. Kono lu *lukela* kunga mezi kuba kezo ya kwande kuli musebezi wa sishemo mwahali u ezizwe. Mwabona? Kacwalo lu lukela kunga mulalelo!

²¹ Ha lu ngile Mulena, Sitabelo sa luna, ku luna, ka mukwa wa Kupepwa kwa moyo ku luna, ni Mubili wa Hae, lu pila ka Yena ka Linzwi, lu lukela ku liswanisisa hape ku zona kakuli ki taelo. “Mubake, mañi ni mañi wa mina mi mu kolobezwe ka Libizo la Jesu Kreste kwa swalelo ya libi za mina.”

²² Paulusi naize, “Ni amuhezi ku Mulena sene Ni bulelezi hape ku mina, ‘Kuli Mulena Jesu ona busihu bo bu swana ha Na cile sinkwa, ni ku si komauna ni kufa kwa balutiwa, mi—mi ali, “A munge mi muce, muezange cwalo ka ku Ni hupula.” Kakuli ha munze mu ca sinkwa sa mina, mu bonisa lifu la Hae kufitela A kuta.’” Cwale lu fumana kuli, mwahali mwani, neba na ni batu bene batile mi . . .

²³ Muzwale yomunde yo, ili muzwale yomunde hakalo, ki ha taha mi ali, “Na nali—Na nali kuba ni ice fateni, Muzwale Branham, Hani utwisisi se ili sona.” Ali, “Ni lutilwe za neku leliñwi.”

²⁴ Se nili, “Kono hupula, luka lumela kuli Muñoli Paulusi naitomile ka swanelo mwa Keleke yapili ya Sikreste. Ne ba zwanga mwa keleke . . . kuzwa mwa ndu kuya mwa ndu, banze ba ikabela sinkwa ka pilu iliñwi, ni zeñwi cwalo. Cwale,” Se nili,

“na ba beile mwa Keleke. Magalata 1:8, na bulezi kuli, ‘Haiba nji lingeloi litaha kuzwa kwa Lihalimu mi li bulela sesiñwi kaufela, li be leli kutilwe,’ mwa bona, mwabona, yena yana bile ni ku ba kolobeza sinca hape ka kolobezo ya Joani, ku to kolobezwa ka Libizo la Jesu Kreste.”

²⁵ Mwa bona, kuna ni lika zetalu ze lu lukela ku—lika zetalu ze lu lukela kueza kakuba litaluso: ni mulalelo wa Mulena, kutapa kwa mautu, kolobezo ya mezi. Mwabona? Kuna ni . . .

²⁶ Mu li, “Kihande, ba . . .” Cwale, ba Salvation Army ba i ngezi ona fo i bulela kuli, “Lisholi lene lishwa, fani ha na shwile, na si ka kolobezwa, ibo Jesu naize na ka yoba mwa Lihalimu.” Yani kona niti ye sephahala. Yani i lukile. Kono, mwa bona, na—na—na tilo ziba fela Jesu ona fani mwa hola ya na shwa. Mwabona? Yani kona fela—yani kona fela kolo yana bile ni yona. Yena—yena nali lisholi, na li kwahule, na li kwande. Mi yena, ona fani ha na boni Liseli lani, a Li lemuha, “Mulena, uni hupule!” Mi Jesu . . . Yani neli niti.

²⁷ Kono ku mina ni Na baba ziba kuli lu lukela ku kolobezwa, kono muhana kueza cwalo, konakuli sani sikaba mwahala mina ni Mulimu. Ki taba yeswana ni mwa mulalelo!

²⁸ Cwale, ha lu ca mulalelo wo, ha ki nto ya fela fela, “Na ya kwani ni yo icela sinkwa nyana, mi Ni ka lumela kuli Ni Mukreste.” Kono, haiba mu lemuhile, Bibele i bulela kuli, “Ya ca ni kunwa ka ku sa *swanela* ukaba ni mulatu kwa Mali a Mubili wa Mulena.” Mwabona? Mu lukela kupila bupilo bwa kuli—kuli . . . fapila sicaba, kuli . . . ni fapila Mulimu ni batu, sani si bonisa kuli mwa—mwa sephahala.

²⁹ Cwale, fa nako nyana fela. Cwale, mwa Testamente ya Kale fani sitabelo ha ne si filwe ili—ili siswaniso kamba taelo. Mi kona mo kuinezi mwa kolobezo ya mezi ki taelo; kucwalo ni ka za kutapa kwa mautu ki taelo; ku cwalo ni ka za mulalelo wa Mulena ki taelo. “Una ni mbuyoti ya mamela litaelo za Hae kamukana, ya buluka likatulo za Hae kaufela, litaelo za Hae kamukana, kuli akone kuba ni swanelo ya kukena mwa Kota ya Bupilo.”

³⁰ Cwale, mulemuhe ku se cwale, kuli ku sani pili, fani pili hane ili taelo ya Mulimu kutisa sitabelo kwa keleke, ni kwa tempele ni aletare, ni kutisa nubu ya mina, ni—ni ka libi za mina, sitabelo sa ngunyana. Kihande, Na kona fela ku akaleza kubona muzwale yomuñwi wa Mujuda ya taha mwa nzila, ka kuziba kuli nana ni mulatu, mi uya kwa aletare; kamba kutisa namani ya hae ye kima kamba poho, kamba kaufela sa na sweli, kamba totolo, ngu, sika sesiñwi. Na taha ni yona mwa nzila ka ku sephahala fela mwa kona kutela, a zamaya kuya kwani, inza buluka litaelo za Mulimu ka ku sephahala fela mwa na konela.

³¹ Mi ki ha beya mazoho a hae ku yona, ku ipulela libi za hae, ni muprisita inza beile (libi za hae) fahalimwa ngu yani, mi mumizo

wa ngu wa pumiwa, mi—mi cwale ya mu shwela. Hane ilobezi fani, ngunyana yani inze i nyakaula ni ku lota mali, mazoho a hae ali kutala fela mali, mi amañwi amu hasaka, (ngunyana yani inze ilila, kushwa), na lemuha kuli u ezize sibi mi sesiñwi si shwa mwa sibaka sa hae. Kabakaleo, na sweli kutisa lifu la ngunyana ye kwa lifu la hae. Mwabona, ngu ne ishwela mwa sibaka sa hae. Mi mutu yani ueza sani ka busepahali luli, kuzwa mwa butungi bwa pilu ya hae.

³² Mafelelezo, ka ku kutakela ya zamaya cwalo hape, ka ku kutakela ya zwelapili kuzamaya mane kwa mafelelezo se i toba fela sizo. Taelo ya Mulimu ya ba sizo kwa batu. Mi cwale ki yo fa wa taha, “Kihande, ha lu boneñi, yo ki mukete wa *kuli-ni-kuli* kacenu, mwendi Ni zamaye ni shetumuke. Eehe, Ku hande ni fe si—si poho.” Ki ha ya cwalo, “Kihande, Mulena, ki ye fa poho ya ka.” Mwabona, hakuna busepahali ku mwateni, hakuna kutwisiso ku zona.

³³ Cwale, ha lu lati kuca mulalelo mwa nzila ye cwalo. Yani kona nto yeswana yetile kwa tafule ya Mulena.

³⁴ Isaya 35 . . . Batili, mu Ni swalele. Isaya 60 . . . Ni bulele taba yeo hande. Na—Na—Na lumela ki Isaya 28, kona ko lu fumana zeo. Ni ziba hande kuli kona kauhanyo ye lukile yeo. Na ize, “Mulao fahalimwa mulao; mi mubamba fahalimwa mubamba; fa hanyinyani, fani hanyinyani. Mu kumalele ku swala zende. Ka milomo ya sikukuma ni ka malimi asili Ni ka bulela kwa sicaba se. Mi ye kona Pumulo.”

³⁵ Na bulezi kuli, “Litafule za Mulena kaufela litezi fela mataza. Ki mañi ye Ni ka luta Tuto? Ki mañi yo Ni ka fa kutwisiso?” Mwabona? Ni sepa kuli lani neli Liñolo, Isaya 28. “Ki mañi ye Ni ka fa kutwisiso ya Tuto?” Mwabona, “litafule.”

³⁶ Cwale, lu fumana cwana kuli kacenu taba tuna ye lu libelela busihu bo, mwa kupuzo ya lifu la Hae ni Mubili wa Hae o lu lumela kuli lu ca zazi ni zazi, kamba, ku zwelapili fela kuca sina muzwale wa luna ha kutalize luna. Kunga Linzwi la Mulimu, lwa Li lumela ka lipilu za luna kaufela. Lwa Li bona ha li iponahaza; lu Li bona ha li filwe ku luna; lwa Li bona ha li pakilwe; lwa Li utwa mwa bupilo bwa luna. Mi lu lukela kutaha ku se ka lizwalo leli tibile ka se lueza, isiñi fela kuli ki mulao.

³⁷ Muya mwa keleke, mi linako zeñata bafanga liñende la kale la mukele kamba nto yeñwi ya—ya sesiñwi, ba si loba, ni sinkwa se si bunolo kamba—kamba nto yeñwi, mi—mi ku si komauna; ni batu baba zuba, kunwa, lika zeñwi kaufela, kakuli kuti ki mamebala ba keleke bataha mi ba to icela mulalelo wa Mulena. Kihande, ani ki masila fapila Mulimu!

³⁸ Nihaiba sitabelo, sili, “Mazazi a mina a mikiti ni litabelo lifetuhile kuba munko omaswe mwa lingo za Ka.” Ibo Na ba file kuli bafange litabelo zani. Kono mukwa one ba eza ka ona,

wafetuha munko o maswe, ku nunka mwa ngo ya Hae (lingo za Hae), ona litabelo luli za Na tomile.

³⁹ Cwalo kona mo lungela Linzwi la Mulimu, Bakreste babañata hahulu kacenu (baba ipiza cwalo) baezanga sani. Lu yema fa ni ku luta Linzwi le, mi bali, “Jesu Kreste ha swani maabani, kacenu, ni kuyakuile,” ni ku luta lika za Na lu sepe size kuli Uka li kuteka, mi bali, “Oh, kihande, sani neli sa zeiñwi fela,” milapelo ya luna ya busepahali ifetuha fela munko o maswe mwa lingo za Hae. Ha na ku amuhela ze cwalo, kube cwani kamba cwani. Lani kona libaka, ka likezo za luna za lizo!

⁴⁰ Ha u lukeli kuca mulalelo wa Mulena inge sizo. Wa uca kakuli ki lilato la Mulimu mwa pilu ya hao, ka kubuluka litaelo za Mulimu. Mwabona, sani kona se mucela zani.

⁴¹ Kacwalo haiba nji ha mu ci ka ku sepahala, seli fela kuli ki sizo, “Kihande, keleke ya luna i banga ni mulalelo hañwi la Sunda ifi ni ifi, kamba hañwi ka kweli ni kweli, kamba habeli ka silimo,” mi mwa ikela, muli, “Kihande, ki nako yaka,” mi—mi lwaca mulalelo, kiñi, ki munko o maswe ku Mulimu! Mwabona, sani ki sizo fela.

⁴² Mane sina sika kaufela, muna—muna ni kuba ka kotomelo. Mulimu ubata butungi bwa pilu ya mina. Mu hupule, yena Mulimu ya swana yana mi tisize fa lifasi fa ki Yena ye mu sebeleza. Mwabona?

⁴³ Mu eza se kakuli Na bulezi cwalo, kakuli ki taelo ya Hae. Mi lubata ku taha ka busepahali bo bu tungile luli, ka kuziba kuli ka muhau wa Mulimu lu pilisizwe. Mi lwa—lwa Mu lata mi lu utwile Kubateni kwa Hae, mi lu—lu boni I boni ha icinca bupilo bwa luna. Libupiwa za—za luna ka kutala li cincizwe. Luna—luna—lu batu baba shutana. Ha lu sa pila inge mo ne lu pilela sapili, ha lu sa nahana sina mo ne lu nahanelia sapili.

⁴⁴ Sina mwa Buka mo, mi ni sibaka se ne lu ambola ka sona ka za Libuka ze—ze peli kakuba Iliñwi, yona Buka ya Bupilo. Buka ya pili ya Bupilo yene tile, neli fani hane mu pepilwe, kwani neli kupepwa kwa mina kwa nama. Mwabona? Kono cwale ka nako yeñwi, kwa mulaho kwani kafoo, neku na ni lubeke nyana lwa Bupilo sina ha ne Ni sweli ku bulela kwa likezelí zeñwi zenyinyani kwa ndu ye musihali wo. Mwabona, kuna ni peu nyana ya Bupilo ye liteni mwani, kuli mane mwa komoka, “Kana ne I zwile kai? Ki sikamañi—ki sikamañi ka lika ze nca ze?”

⁴⁵ Ne ni bulela taba ye, kuya ka na luli, inge ha ne mu ka bulela kuli, “William Branham, kihande, myaha ye mashumi amane ye felile, William Branham yani, ha ki yena ya swana busihu bwa kacenu.” Haiba yomuñwi kwa mulaho kafo na ka bulela kuli, “William Branham, nali kuluku yomutuna,” mwabona, kakuli Ne ni pepilwe ki Charles ni Ella Branham. Mwa sibupeho sa bona Ne nili muezalibi, Ni tile mwa lifasi, nili lihata, ni mikwa kaufela ya lifasi ne i inzi mwahali kuna. Kono mwahali mwani,

hape, ne kuna ni Sibupeho sesiñwi, mwabona, sene si lemuhilwe kale, ne si liteni mwani ka Mulimu. Ona mwa mubili o swana wo, mwabona, libupeho zepeli mwahali mwani.

⁴⁶ Kihande, Na ne ni tiyela fela ku sesiñwi. Ha ne sinze si hula, Ne ni bulela sina mbututu, “Dadda.” Nto ya pili mwa ziba, Ne ni bile lihata, kuba lika kaufela za muezalibi, kakuli Ne ni hulile ona cwalo. Kono mwatasi mwahali mwani neku na ni katowati nyana ka Bupilo nako kaufela.

⁴⁷ Ne ni hupulanga kamita, sina mushimani yomunyinyani . . . (Ni sepa kuli ha Ni mi buluki nako yetelele hahulu. Kono ka kuziba kuli . . .) Ne niinzi kwande mwa . . . fa—fa likamba la nuka, mi ne Ni iinanga kwani ni kutalima kwa ni kwa mwa nako ya busihu. Bo ndate ni boma, baile kale cwale kwa pumulo ya bona. Mi mazazi ani nebali baeza libi, nekusina Bukreste mwandu ya luna ni hanyinyani. Mi, oh, mawi, kunwa, ni mikiti, ni kuzwelapili; ne li ni kulisanga, Ne ni shimbanga liseli laka—laka ni nja ya ka ni kuya mwa mushitu, ku yoina busihu kaufela. Mwa nako ya maliha Ne ni ka zuma kufitela mukiti ufela, mwendi ha lipazule kakusasana. Hani kuta kwa ndu, ha u si ka fela kale, Ni lobezi fa halimu a sipapela ni kuya mwa buloko, kulibeleta kupazula kwa lizazi.

⁴⁸ Mi ne Ni nahananga kuli linako zani, mi cwale ka kuba kwande kwani mwa linako za mbumbi, ni nga likota zaka ni ku libeyafafasi kueza mukunda, kuli haiba ne i ka nela; ne ni ka lobala fani ni misumo inze isweli mwa mezi, na shuta; nja ya ka ya kale yali kulobala fani. Kipeto Nili, “Talima kwanu. Mwa ziba, maliha afelile Ne ni tilo eza mafulo ona kwanu busihu bobuñwi, Ne ni tumbuzi mulilo waka ona kwanu ha ne Ni sweli ku libelela nja ya ka fa kota, mi ne Ni na ni mulilo kwanu. Ne ku kangezi ka mainci a ketalizoho mwa mubu. Kono, palisa yenyinyani, kana u zwelezi kai?” Mwabona? “Kihande, mi u zwile kai kana? Ki mañi yana tilo ku cala fa? Mi uzwile mwa sibaka sifi sa tukufalo? Kamba—kamba ku cwani, utile kuzwa kai?” Mwabona? Palisa yenyinyani yani, Ni ka bulela kuli, “Kiñi, ne i kangezi, ni lika kaufela, mi Ne ni tumbuzi mulilo fahalimu fani. Kwatuko a sika se si kangezi, ne kuna ni sika se si cisa sene si beilwe fa musumo omutuna ko Ni ku cisize. Mi ki wena yo fa, mi wa pila. Kikai ko u zwelezi?”

⁴⁹ Neli sikamañi sani? Nekuna ni William Branham yomuñwi. Mwabona? Kalulo nyana ya Bupilo Bobusafeli mwatasi mwani, kuzwa kwa—kwa—kwa bupilo bwa Mulimu, ona Linzwi la Mulimu lene li beilwe mwani. Mañi ni mañi wa mina wa kona ku nahana ze swana. Mwabona, Ne si beleka.

⁵⁰ Mi mutualime kwa likota, mi Na nahana, “Litali, ne Ni ku boni hanowile mwaha o felile, mi ki kabakalañi ha u kutile hape? Ki kai ko uzwelezi? Ki sikamañi se si ku tisize fa?” Mwabona, Neli ona Bupilo Bobusafeli bwani bo ne bu beleka mwa mubili.

⁵¹ Cwale, mi zazi leliñwi ha ne Ni zamaya, Linzwi lani ne li bulela kuli, “Usike wa zuba, kunwa, ni zeñwi cwalo.” Mi ba banca ni babañwi kaufela ba hula. Mwabona, ne kuna ni Sene sitilo zamaya.

⁵² Kono cwale ka nako iliñwi fela Na talima mwa halimu, mi se Nili, “Na hani mwana bo Charles ni Ella Branham. Kuna ni Se si sweli ku kubiza.” Sina mbande yaka yenyinyani, “Na ha ni kuhu. Kuna ni Sesiñwi mwahalimu mwani, kokuñwi. O Jehova Yomutuna, Yo kaufela Uli yena, aku kwalule! Ni bata kutaha kwa hae. Kuna ni Sesiñwi ku na, sa biza.”

⁵³ Mi se Ni pepwa sinca. Ona Bupilo bo bulikani bwani bone buli mwani, bupilo bwa mezi ne bu sululezwi fahalimwa Yona, mi se I kala kuhula. Cwale, bupilo bwa kale bwani ne bu swaliezwi, libeilewe mwa nuka ya Mulimu ya ku libala, ha li sa hupulwa hape kwa ku ni nyaza ni kamuta. Mwabona? Cwale lu beilwe baba lukile (mane inge lu samba kuba lu eze sibi) fa Pila pata ya Mulimu.

⁵⁴ Mi lu taha kwa tafule ya Mulena, lu lukela kutaha ka buiswalo, lilato ni likute, kuli “Mutalime ko ne lu kaba kambesi Yena.” Mwabona? Mutalime ko ne kuka ba . . .

⁵⁵ Kabakaleo, Paulusi, Na sepa, ka kubulela cwana, “Ki kabakalañi, ha mu taha hamoho ku to ca, mu no libelelana yomuñwi ni yomuñwi.” Seo kikuli, ka manzwi amañwi, mu libelelange ka mizuzu yelikani, mulapele, muitatube mina bañi. Mi haiba mu ziba kuli kuna ni muzwale kokuñwi, ya bata kueza sika se si fosahalile, kamba sesiñwi, mi kipeto mu mu lapelele, ni yena. Mwabona? Mwabona, “mu no libelelana yomuñwi ni yomuñwi,” mu libelele fela fa muzuzu, mulapele. Haiba kuna ni maikuto amañwi mwahala mina kamba sesiñwi, musike—musike mwa eza cwalo—musike mwa eza cwalo, muye mu yo kondisa sani, pili. Mwabona? Mu ye mu yo otolola sani, pili, kakuli lu bata kutaha kwanu ka kupetahala fela mo lukona kubela, ni mihupulo ya luna ka mañi ni mañi ni ku Mulimu, ni ku yomuñwi ni yomuñwi, mi kipeto lu taha mwa sebelezo kupotoloha tafule ya Mulena. Mwabona?

⁵⁶ Mi lueza se kakuli lu fa buitumelo ku Yena, ni ku yomuñwi ni yomuñwi. Kuca sinkwa mwahala yomuñwi ni yomuñwi, kunwa veine mwahala yomuñwi ni yomuñwi, sina Mali a Hae ni Nama ya Hae.

⁵⁷ “Kwanda kuli mucce Nama ya Mwana mutu ni kunwa Mali a Hae, hamuna Bupilo ku mina.” Mwabona? Mwa bona, sani kona Bibele se ibulezi. Kwanda kuli mueze cwalo, hakuna Bupilo. Mwa bona? Fohe kikuli, kupale kumane, ku bonisa kuli muswabela ku itibahaza ili mina kakuba Mukreste, bakeñisa bupilo bo mupila. Mi cwale kwa ki kuswaba kwa luli. Kono cwale hamusa ezi cwalo, hamuna Bupilo. Haiba nji mueza isi ka swanelo, muna ni mulatu wa Mubili wa Mulena.

⁵⁸ Ki nto yeswana ni kwa kolobezo ya mezi. Hane luka bulela kuli, “Lu lumela ku Jesu Kreste, U lu pilisize kwa sibi, mi lu kolobelizwe ka Libizo la Jesu Kreste,” kiñi, lutisa—lutisa maswabisa ku Yena, lu eza lika ze fosahalile mi lu—lu kaba ni kulifa ka sona. Mi taba yeñwi, ha lu eza cwalo, lu lika ku bulela taba iliñwi ni kueza isili.

⁵⁹ Bwani kona butata bwa luna kacenu. Se Ni nahana... Ni bulela “luna,” na, ni keleke yeo Mulena Mulimu ani lumelelize ku bulela ku yona mwa lihola za maungulo ze, kakuli lu lumela kuli lu mwa nako ya kukwala. Lu lumela kuli Mulimu u lufile Liñusa. Li tomilwe ki Mulimu, Li pakilwe ki Mulimu, Li bonisizwe ki Mulimu. Cwale lu lukela kutaha ku Yena ka likute ni lilato, mi ni—ni kukena kwa pilu ni minahano ni moyo.

⁶⁰ Mwa ziba, hola ituha itaha cwanoñu fo—fo mwahala luna ku kaba... Moya o Kenile uka bulela sina mo ne U ezelize ku Ananiasi ni Safira. Muhupule, mwabona, hola yani ya taha. Mwabona? Mi luna cwale... Cwale, mu lukela kuhupula seo, mwabona, kuli Mulimu uka pila mwahala sicaba sa Hae. Seo kona Sa bata kueza cwale.

⁶¹ Lwa kona ku amuhela Liñusa, sina kubulela kuli... Kambe ne Nili mutangana ni—ni kubata musali wa kunyala, mi Ne ni fumaní musali, Na li, “Ki ya petehile hande. Ki Mukreste. Ki kalibe. Yena u kwanile ku zona kaufela, Ni na ni sepo.” Hakuna taba ka buñata bwa sepo, mo Ni nahanelia kuli ki yo munde, Ni lukela ku mu amuhela, una ni ku ni amuhela; mwabona, ka buitamo bo.

⁶² Kihande, ki nto yeswana ye lu fumana ki Liñusa. Lwa bona kuli Li lukile. Lu bona Mulimu ha paka kuli Li lukile. Li lukile hande. Mwaha ni mwaha, mwaha ni mwaha, La zwelapili hande, ku zwelapili hande. Liká kaufela ze Li bulela, li ezahalanga ona cwalo sina mwa Na bulelezi. Cwale, lu ziba kuli Li lukile, kono, mwabona, musike mwa eza sani ka mayemo a ngana ya nama. Haiba mueza cwalo, muna ni bulapeli bo buzwile ku yomuñwi. Mwabona? Ha lu lati bulapeli bo bu zwile ku mutu yomuñwi, sika sa fitile ku sona yomuñwi mi lupila fela kushutana kwa—kwa bupaki bwa hae.

⁶³ Sina ha Ni lumela kuli neli Jesu yana ize ku Pilato, kuli, ki linzwi lene Ni nahana, mi Na bulezi ka mizuzu ye likani fela yefelile, “Kimañi ya mi bulezi cwalo?” Kamba, “Kana ne li patuluzwi ku mina? Mu zibile cwani lika ze?” ka manzwi amañwi. Hanisa ziba kuli ki linzwi mañi lani cwale, seli kale fo Ni balezi linzwi lani, kono, “Mu kana mu—mu zibile cwani se? Sikamañi? Cwani? Ki mañi ya patuluzi se ku mina?” Ka Yena haba Mwana Mulimu. “Ki mañi ya li patuluzi ku mina? Kikuli mutu yomuñwi u mi bulelezi sona? Kamba,” sina Jesu hana bulezi, “kana ki Ndate Ya mwa Lihalimu ya patuluzi se

ku wena?” Mwabona? Mwabona? “Muitutile zona cwani, ki sa kunga ku mutu kamba ki sinulo ye petehile kuzwa ku Mulimu?”

⁶⁴ Kana mulalelo wo ki sika fela se Ni matela fela nji, ki taelo, kuli, “Kihande, babañwi kaufela baba siyezi ba ezanga se, Ni na ni ka eza”? Ki sinulo kuli Ni siemba sa Hae mi Ni siemba sa mina, mi Na mi lata mi Na Mu lata ni yena, mi lunga se hamoho ka kuba siswaniso sa lilato la luna ku Mulimu, ni lilato laluna ni kutwano ku yomuñwi ni yomuñwi.

⁶⁵ Cwale Ni bata ku bala zeñwi kuzwa mwa Mañolo. Mi cwale Ni sepa kuli... Ki kai ko mu... Mukwa kaufela wo Muzwale Pearry u lakaza kacenu. Ni tabela kuli mubale ni na, haiba mu na ni Bibebe ya mina. Makorinte Bapili, kauhanyo ya—ya 11, mi lukale ka timana ya 23.

⁶⁶ Mi cwale hape, fa tabernakele ya luna, lu bile lu lemuha taba ye kamita ni kutapa kwa mautu, kamita, kakuli za zamaeleta hamoho. Ni lumela kuli muzwale u zibahalize kuli “Labulaalu busihu” ka bakala nyangela ni kuli hamuna sibaka... sesituna kuli batu ba tape kwa mautu, baka lemuha—lemuha se Labulaalu busihu.

⁶⁷ Cwale, timana ya 23 ni kauhanyo ya 11 mwa Makorinte Bapili, muteeleze ku Paulusi cwale. Cwale muhupule, mi mubuluke se mwa minahano ya mina, Magalata 1:8, “Ni ha ne ikaba luna kamba lingeloi lelizwa kwa lihalimu li kutaze evangeli isili ku mina,” (kufita Evangeli ye yana kutilize) “yo abe anatema.” Mwabona?

*Kakuli Ni amuhezi ku Mulena se Ni mi sulezi ni mina,
Kuli Mulena Jesu ona busihu bwa na betekilwe anga
sinkwa:*

*Mi a si no itumela, a si komauna, ... mi ali, Mu nge mi
muce: wo ki mibili wa ka, o lobhehezwi mina: mueze seo
kuli mu ni hupule ka sona.*

⁶⁸ Cwale, ni yemele ona fa, ni bulele kuli: kono ka kunga mibili wa Mulena Jesu Kreste mwa mulalelo wo, ha ku talusi kuli ona mulalelo wani kona mibili *tenyene* wa Kreste. Bani ki ba Katolika. Ha ni lumeli kuli yani ki niti. Ni lumela kuli ki taelo fela yeo Mulimu na ezize ni luna, mwabona, ha ki wona mibili sakata. Ki... Cwale, ki kaemba nyana fela ka sinkwa se si tokwile mumela. Ki taelo fela.

⁶⁹ Kamba mane ha Ni lumeli kuli kolobezo ya Jesu Kreste (ka Libizo la Jesu Kreste) mwa mezi ya swalela libi za mina. Ha ni lumeli kuli mwa... Ni lumela kuli mwa kona ku kolobezwa musihali kaufela... Cwale, Ni ziba kuli kuna ni mwendi sicaba se si liteni mwahali mo baba zwile kwa puteho ya Apostolic church, Ni taluse, kamba puteho ya ba United Pentecostal church, ili ye luta sani. Kono, mwa bona, Hani—Hani lumeli kuli mezi a swalela libi. Kamba, haiba neku kaba cwalo, konakuli Jesu na shwezi mbango. Mwabona? Ni lumela kuli ki taelo fela

ya Mulimu, mwabona, ku bonisa kuli mu swalezwi. Kono haili ku kolobezwa kwa kupepwa sinca, batili, Ha—Ha—Ha ni lumeli cwalo. Ha ni lumeli kuli mezi a swalela libi.

⁷⁰ Kamba mane ha Ni lumeli kuli sinkwa se ni veine ye lina ni sa kueza ni mina, ki kubuluka fela taelo yeo Mulimu a lu tomezi kuli lu eze. Mwabona? Yani ki niti. Ni lumela kuli kolobezo ya mezi ki nto yeswana. Ni lumela kuli ki ku lu hapeleza ku i eza, kuli Na lu ezelize yona ka mutala. Mi uezize se kuba mutala wa luna. Mi Na tapisize mautu kuba mutala wa luna.

⁷¹ Cwale, “Ka mukwa o swana hape,” timana ya 25:

Ka mukwa o cwalo ha se ba lalezzi anga sinwiso, mi ali, Sinwiso se ki bulikani bobunca buwa mwa mali a ka: mueze seo, kamita ha mu nwa mwateni, kuli mu ni hupule ka sona.

Kakuli kamita hamu... (Muhupule cwale!)... Kakuli kamita ha mu ca kwa sinkwa se, mi munwela mwa sinwiso seo, ikaba mubulela lifu la Mulena mane ayo kuta. (Kuisa lili? “Mane A kute!” Mwabona? Mwabona?)

Kakakaleo mutu ni mutu ya ca kwa sinkwa se, mi anwela mwa sinwiso sa Mulena, ka mukwa o sa swaneli, ukuba ni mulatu wa mubili ni wa mali a Mulena.

⁷² Mutuhele ni yeme fa muzuzu fela. Libaka la na bulelezi cwalo, mu lemuhile mwa timana yeñwi fa, kauhanyo yeñwi, yani ubulezi kuli, “Ni utwa kuli hamu—hamu taha hamoho ku to ca, mane mu kolwelanga kwa tafule ya Mulena.” Ne ba si ka li utwisisa, mwa bona. Ne ba lakanelka mafunjo, mwabona. Sina fela batu mo ba ezeza kacenu, kuipilela fela mufuta kaufela wa bupilo ni ku to ca kwateni. Mwabona? Na ize, “Muna ni mandu kwa a kucela ku ona, mwabona. Kono, ye ki taelo ya kuli lu buluke, mwabona.” Cwale:

Kono mutu ni mutu aitekule kihona, mi cwale ace kwa sinkwa seo, mi anwele mwa sinwiso seo.

Kono ya ca mi anwa isi ka swanelo, u icela mi u inwela katulo, asa lemuhi mubili wa Mulena. (Mwabona?)

⁷³ Mina mu bo mañi? Mu Bakreste, mupila fapila mutu ni mutu sina Mukreste. Mi haiba muca sani mi mu sa pili sina Mukreste, ha mu lemuhi Mubili wa Mulena. Mu beya sitataliso mwa nzila ya yomuñwi, mwabona, ha nza bona ha mu lika kueza sani mi kanti ha mu pili mo mu swanela kupilela. Mwabona, ha mu lemuhi Mubili wa Mulena. Cwale mutualime mo si inezi...sikuto sa teni:

Kakakaleo kuna ni babañata baba fokola ni baba kula mawahala mina, mi babañata ba se ba lobezi. (Toloko ye lukela fa linzwi leo, Muzwale Pearry, ki “kushwa.” Mwabona? Mwabona, “babañata ba shwile.”)

Kakuli haiba lu—kakuli haiba lu ikatula luna bañi, kabe lu sa atulwi. (Mwabona, haiba nji lu ikatula luna bañi haluna ku atulwa. Mwabona?)

Kono ha lu atulwa, lu kalimelwa ki Mulena, kuli lusike lwa atulwa ni lifasi. (Mwabona, kutokwe nihaiba swalisano ifi kaufela ni lifasi.)

Cwalehe, bana bahesu, hamu putehela ku ca, mu litelane. (Mwabona?)

Mi mutu ha lapile, a ce kwahae; kuli kukopana kwa mina kusike kwa mi fumanisa katulo. Mi litaba zeñwi Ni ka li lukisa ha Ni fita. (Mwabona?)

⁷⁴ Cwale, ka manzwi amañwi, musike mwataha fela ku to ca inge kuli... Sina ha Ni bulezi nako ye fitile nyana, ka seo Majuda, sitabelo sa bona, ne ba... Ne li sesinde, ne si filwe ki Mulimu, kono ne si fitile fa sibaka sa kuli ne ba sa ezi ka ku sepahala ni ka likute ni ka mulao, mi sa fetuha fela... sa ba munko—munko o maswe mwa lingo za Hae.

⁷⁵ Cwale, taba yeswana ki ka kutaha ku to ca mulalelo wa Mulena, kuli, lu lukela kutaha lunze lu ziba se lusweli kueza. Kuswana fela sina ha mu kena mwa mezi kuli mu kolobezwe ka Libizo la Jesu Kreste, mwa ziba se musweli kueza, mu beya mwa keleke seo Mulimu abeile ku mina, Kreste.

⁷⁶ Ha lu ca se, si bonisa kwa keleke, kuli, “Ni lumela Linzwi la Mulimu kaufela. Ni lumela kuli ki Yena Sinkwa sa Bupilo se si zwile ku Mulimu wa Lihalimu. Ni lumela Linzwi kaufela La bulela kuli ki Niti. Mi Na lumela ka Lona, kuya ka mo izibela zibo yaka, Mulimu kakuba Muatuli wa ka. Kabakaleo, fapila mizwale ya ka, fapila likezeli za ka... Hani—Hani konkangi, Hani lwahangi, Hani ezangi lika ze, kakuli Na lata Mulena, mi ni Mulena wa ziba cwalo mi wa ni pakela. Kabakaleo, fapila mina, Ni nga siemba sa mubili wa Hae, ka kuziba kuli Hani atulwi hamoho ni lifasi.” Mwabona, ki fo he cwale, konakuli fo ki mbuyoti.

⁷⁷ Mi, muhupule, Ne ni ka fa bupaki bo buñata hahulu ka se, ko Ni zusize sani ni ku si bulela mwa sibaka sa bakuli, ni kuba bona haba foliswa.

⁷⁸ Muhupule, fani Isilaele ha na lwezi mufuta wa se, neba zamaile myaha ye mashumi amane mwa lihalupa mi liapalo za bona mane ne li si ka supala, mi ba zwa kusina ya fokola ni alimuñwi—alimuñwi mwahala bona, ni sikwata sa batu ba baeza tu milioni ka kuba mufuta wa se. Kihande, ki sikamañi se u ka eza mufuta wo Lwanisana? Haiba nji mubili wa folofolo ya sitabelo no ba ezelize sani, ki sikamañi so kaeza Mubili wa Jesu Kreste, Emanuele, ku luna? Ha lubeni fela ka likute ha lunlutaha. Ha lubeni fela ka likute mo lu zibela kubela, lu tahe. 

MULALELO LOZ65-1212
(Communion)

Liñusa le ka Muzwale William Marrion Branham ne li katalizwe lwa pili mwa Sikuwa la Sunda manzibwana, Ñulule 12, 1965, ili fa Tucson Tabernacle mwa Tucson, Arizona, U.S.A., liingilwe kuzwa fa tepu ya magesi ya manzwi kusina ku zusa sika mwateni ku ya Sikuwa. Toloko ye ya mwa Silozi ne i hatisizwe ni kuhasanyiwa ki ba Voice Of God Recordings.

LOZI

©2017 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org